

primi mobilis sectione per austrinam medietatem secundum
per borealem autem contra signiferi successionem usque ad alter-
ram duarum sectionum eclipticę decimę sphaerę, atque dicti parui
circuli borealis numeratum. Huius denique trepidationis secun-
dę nouissima reuolutio ante Christi saluatoris natiuitatę facta
fuit annis solaribus seu hromanis xxvii, diebus 133, fere com-
pletis. Manifestum itaque est quod hæc secunda trepidatio primę
in motu suo contrariam obseruat rationem. Nam prima octauę
sphaerę trepidatio per medietatem sui parui borealisque circuli
septentrionalem iuxta signiferi successionem mouetur, secunda
autem trepidatio per septentrionalem borealis sui parui circuli
medietatem contra signorum ordinem defertur, & contra. ut dum
illa regreditur, hæc progreditur. Hanc etiam secundam trepidatis-
onem octauę sphaerę constat necessario subiiciendam esse. Nam
velut ex primo tractatu motus octauę sphaerę patuit, variatio
maximę declinationis solis non poterit alioqui saluari. Perspic-
uum itaque est eandem maximam solis declinationem a tempore
obseruationis Ptolemęi usque ad hanc nostram ætatem scilicet
annos domini 1514, minorem indies accuratis inspectionibus
fuisse compertam. Qualiter denique eandem solis declinationem
pro quouis tempore dato calculare oporteat in primo tractatu
sphaerę octauę satis superque fuit enarratum. Quid demum
alfonsinę tabulę de motu octauę sphaerę subiiciat a Georgio
Peurbachio tam vere quam abunde fuerat explicatum præter non
nulla, quę in secundo meo tractatu de eiusdem octauę sphaerę
motu perperam tradidisse a me notatur.

IMPRESSVM NVREMBERGAE
per Fridericum Peypus, Impensis Lucae
Alantsee Ciuis & Bibliopolę Vi-
enneñ, Anno M. D. XXII.

Hromanis imperante inuictissimo Carolo Hispaniarum rege.

Cum Gratia & Priuilegio Imperiali.